

za léto 8 króc njedzeli a nimo toho zeleny štwórtk, na kotrymž je jenož němski kemš. Tuto zarjadowanje je wot l. 1866, prjedy toho bě němska Boža služba jenož 6 króc do serbskeje. Serbskich kemšerjow je w přerězku 230, němskich 35. — Pačeńska wučba je za serbske džěci serbska.

Fararjo: 18) Jan Rychtař, * 1732 w Klukšu, 1756—60 inspektor realki a syrotownje w Wittenbergu, farař 1760—† 14. jan. 1802; 19) Ernst Bohakwal Bjedrich Rychtař, * 1767 w Nosaćicach, syn prjedownika, 24. sept. 1801 pastor substit., farař 1802—† 10. dec. 1848; 20) Michał Domašk, * 23. jun. 1820 w Komorowje, 1845 pomocny předař w Delnim Wujezdze, farař tu wot 19. aug. 1849 hač dotal.

Šula za wosadu (wsy 1—5) w Trusecach (Walowy su do Ketlic zašulowane); džěci je 82. Nabožina wuči so z wulkeho džěla serbski, tež w druhich wučbach so wšelake wěcy serbski wukładuja. Wšitke džěci nawuknu serbski čitać a k nuzy pisać. Němska pismowska řeč ma přewahu.

Wučerjo: 1) Ernst Rychtař z Nosaćic, syn far. E. B. B. Rychtarja, —1856; 2) wot 1857 Jan Bartko, * 1821 w Drobach, 1842 vikar w Delnjej Hórcy, 1843 w Khwaćicach, 1845 statny wučer tam.

W obydlěstwo: Serbja řeča wšitcy młodži a stari serbski, tež wšelacy Němcy rozumja a řeča serbski, přede wšem wšitcy w měšanych swójbach, kotrychž je we wosadze 5; we třoch z nich powěda so serbski. Při zjawnych zabawach knježi z wjetša serbska řeč. — Přez předawanje ležownosćow su w nowišim času čí Němcy do wosady začahli.

Towařšnosć atd.: Towařstwa tu žane nimaš, ani serbske ani němske. Čita so 10 Serbskich Nowin, 3 Łužicy a 50 Miss. Póslow; ev.-luth. knihowne towařstwo ma 15 sobustawow. — Přazy žane njejsu a tež žane spěwanja młodych holcow na wsy. — Drasta serbskich wobydleri je mjenje bóle po nowej módze; tola widžiš tež hišće hdys a hdys čistu narodnu drastu.

Hospodařstwo: 1 ryčeřkubło (najeńk), 18 kublerjo, 1 poľeńk, 26 zahrodnicy, 56 khěžkarjo, 10 podružnicy (a to 85 serbskich a 23 serbskoněmskich resp. němskich hospodařstwow), dale 1 młynk, 8 rjemjeslnicy (5 s., 3 n.), 3 gmejn. předst. (serbscy); wot l. 1840 su 4 burske kubła do němskich rukow přešle.